



## **Horologium Spirituale Scholasticorum Societatis Jesu**

**Dirckinck, Johann**

**[Osnabrug, 1696]**

XIII. Obeundi exercitia octiduana.

---

---

**Nutzungsbedingungen**

[urn:nbn:de:hbz:466:1-55025](#)

## PRAXIS XIII.

## Obeundi Exercitia octiduana.

**E**xercitia S. Ignatii, Deo revelante, & B. V. docente ab eo adhuc literarum ignaro conscripta, si debite insituantur admirandam vim & energiam continent, exercuntq; tum in animis excolendis & excitandis, tum ad omnem perfectionem & sanctitatem renovandis. Expertus est id omnin primus ipse Ignatius in secessu Manresano; ubi exercitia hæc Deo aspirante tantum in eo valuerunt, ut è milite mundi in Athletam Christi admiranda metamorphosi transmutarint: Iisdem exercitiis S. Xaverium P. Petrum Fabrum, & reliquos primos socios à mundo abstractos Societati peperit: eosq; genuino Societatis JESU spiritu imbuit, & Instituti ideam, ante constitutiones scriptas, instillavit, quæ in Exercitiis velut fructus in semine latet. Solidus horum exercitiorum usus S. Carolum Borromæum in virum alium & sanctum reformatum; viris illustribus cœnobia refarsit, religiosos labantes stabilivit; solutos severioris disciplinae vinculis astrinxit deniq; innumeros quæ sacerulares, quæ Ecclesiasticos ubiq; terrarum ad virtutem

Nonnulla exercitiis præmittenda. 37  
tem & perfectionis culmen evexit. Si igitur Scholastici nostri solide exercitia obierint, tanquam paulò post morituri, vim admirandam sentient fiēntq; exercita hæc illis, fons aquæ perenniter toto anno tum in Deū sursum salientis, tum in corde proprio bullientis, tum in proximos longè latēq; promanantis.

s. I.

*Nonnulla Exercitiis præmittenda.*

I. **R**Emovenda omnia obstacula quæ distrahere & impedire possunt exercitiorū tempore: negotia si quę sint, ante expedienda, aliaq; omnia ordinanda sunt, ut animus à curis sit liberior & pacatior.

II. Animus bene sit dispositus, uti & corpus; corpus quidem ne sit infirmum, adeoque minus aptum his mentis laboribus, corpus enim quod corrumpitur, aggravat animam. Animi vero dispositio in eo sita est, ut intellectus & voluntas ad spirituales functiones sit expedita.

III. Intellectus sit limpidus, non obtusus, adeoque non indiscretè intendendus, ejus officiū est discurrere & ratiocinari, & quis est, qui de rebus suis, pro modulo suo cogitare, cōsiderare & deliberare nequeat?

IV.

IV. Voluntas, quæ lectione, directione, & cœlesti potissimum luminis influxu, quod nunquam deest, juvatur, excitanda est: & pro ejus dispositione S. Ignatius requirit 1. Ut animus sit generosus ad superandas difficultates occurrentes, vel ex ariditate ac desolatione mentis, vel ex anxietate conscientiæ vel ex perturbatione Dæmonis. 2. Sincerus cum Deo & direcione sincere agens. 3. Liberalis non tantum Dei gloriam, sed majorem etiam ejus gloriam quærens, totam se offerens, absq; dilatione, restrictione, mora. 4. Confidens, seque totam in amplexum & sinum paternæ providentiæ creaturam suam ad se venientem benignè excipientis, conjiciens. 5. Sollicitus, ut in omnibus præscriptis, additionibus, annotationibus, horis, sit exactus. 6. Solitarius non tantum à communi conversatione liber, sed etiam libenter omnia externa abdicans, ut solo Deo fruatur, nec etiam interna cum creaturis colloquia admittat. Ad quæ sensuum mortificatio confert plurimum.

V. Pridie exercitorum, meditationem, vel considerationem nonnullam, de exercitiis

*Quædam tempore exercitiorum observanda* 39  
citiis bene obeundis, de eorundem neces-  
sitate, dignitate, utilitate , ac jucunditate,  
institue. Servire potest I. Meditatio Exer-  
citiorum P. Pawłowski. Deinde præstat  
antè legere additiones & annotationes  
ex Libello Exercitiorum.

## §. II.

### *Quædam tempore Exercitiorum Observanda*

I. **E**nīs hujus secessūs spiritualis ex men-  
te S. P. N. omnibus communis est  
præparatio & dispositio animę ad tollen-  
das affectiones omnes malè ordinatas, ut  
iis sublatis inveniatur voluntas Dei. P.  
Lancicius ait : Exercitiorum Finis pro Re-  
ligioso Societatis est , plena sui renovatio.  
P. Joannes Wisse Collegii Monasteri - &  
Padibornensis Rector & Doctor Theo-  
logiæ in scripto quodam , quod suis, spiri-  
tum exercituriis præfigebat finem statuit,  
Imperfectiones nostras videre, & corrigere  
novumque robur comparare ad melius  
Deo serviendū, juxta vocationem nostrā.

II. Scholasticus Societatis in specie stu-  
deat per exercitia annua altius animo suo  
in-

40

*Quædam tempore*

inculcare , quaterna puncta suprà pro Novitiis assignata & quaternæ exercitiorum hebdomadæ respondentia. 1. Odium vehementissimis omnis peccati etiam minimi. 2. Ardens studium imitandi Christum in virtutibus & omnigena perfectione. 3. Amorem crucis , seu rerum amori proprio adversantium. 4. Perfectam resignationem propriæ voluntatis & rerum omnium aliarum. Amor enim ex mente S. P. N. constitutus in mutua communicatione.

III. Tempore exercitiorum requiritur singularis devotionis. 1. In adeundo sapientiæ V. Sacramento. 2. In seria detestatione vita tepidæ transactæ. 3. In confessione & communione, sive sacrificiis missæ accuratiùs instituendis. 4. In corporis afflictionibus per jejunia , abstinentias , disciplinas, cilicia , aliisque mortificationes sensuum & gulae.

IV. Meditationes suaderem ordinariè sumendas ex Libello Exercitiorum ; Tuitius ex ipso fonte bibuntur aquæ ; haec enim antequam alii fusiores darent, ingentes ferre animarum fructus & miracula morum pro illuminatione majore. Juvat tamen etiam

etiam alias, ante meditationem legere maximè, si, S. Patris meditationes sint breviores. Si quis enim aliorum ascetarum meditationibus prolixis utatur, potius erit modus secundus orandi, quam meditandi. Meditatio firmius & fructuosius insistit paucis quam cursim multis.

V. Consideratio circa actiones ordinarias eò tendit, ut si quæ in perfecta eorum executione desiderentur, deinceps adhibeantur; & non tantum bene, sed perfectè & optimè, juxta regulas electionis peragantur, cum in iis nostra potissimum consistat perfectio. Vide igitur, quid desit tibi, qui emendare possis ac velis.

VI. In consideratione regularum, observandum 1. quis sensus regulæ, seu quid prescribat. 2. Qui id hactenus servaveris, qui verò debeas, possis aut velis in posterum, juxta exemplum Christi præludentis.

VII. Liber spiritualis, qui manè dimidiâ horâ & à prandio dimidiâ legitur, debet esse conveniens meditationibus diei, & non de materiis disparatis, ut si de iudicio vel morte mediteris, legenda non sunt latitiam parientia. Lectio verò attenta, cū

42 *Temporis distributio in Exercitiis*  
applicatione ad profectum & meditatio-  
nem proximè instituendam. Thomas de  
Kempis legi potest inambulando, cum in-  
terposita consideratione clauso libello.

VIII. Aspirationes præscriptæ vel si-  
miles interdiu corde vel ore repetitæ , ad  
conservandum ignem in meditatione col-  
lectum, fovendūmque plurimūm condu-  
cunt.

IX. Ultimo die bona proposita colli-  
guntur , & ex iis, atque ex observatis cre-  
brioribus defectibus statuitur materia  
examinis particularis pro singulis totius  
anni mensibus. Præscribitur exactus ordo  
diei & functionum , qui in examine , vel  
recollectione hebdomadaria menstruāve  
subinde examinatur.

### §. III.

*Temporis distributio in Exercitiis.*

**H**ora IV. Surgitur in puncto. Visitatur  
Ven. Sacramentum. revidentur pun-  
cta meditationis.

*Medio V.* Inchoatur meditatio exactè,  
servatis additionibus ex Libello Exercitio-  
rum. *Medio VI.* per quadrantem recol-  
le-

*Temporis distributio in Exercitiis.* 43  
lectio , annotatio propositorum , lumi-  
num &c.

*Hora VI.* Sacrum cum debita præpa-  
ratione & gratiarum actione.

*Hora VII.* Preces consuetæ. Lectio  
Libri spiritualis.

*Hora VIII.* Consideratio regularum,  
vel eorum quæ legenda assignantur è Li-  
bello exercitiorum & Thoma de Kempis.  
3tia quadrante p̄paratio ad meditatio-  
nem.

*Hora IX.* Meditatio,

*Hora X.* Recollectio. Et examen con-  
scientiæ.

*Medio XI.* Prandium.

*Hora XI.* Opus aliquod humile in cu-  
lina aut refectorio, Visitatio Ven. Sacra-  
menti, Recitatio rosarii , pia consideratio.

*Hora XII.* Litaniæ B. V. scriptio. Exa-  
men particulare. Lectio Scripture assi-  
gnata.

*Hora I.* Exercitium aliquod corporale  
mediâ horâ.

*Hora II.* Consideratio de operibus  
quotidianis exactè obeundis , vel de regu-  
lis.

*Ho-*

*Hora III.* Vespere ; visitatio V. Sacramenti, Legio Libri Spiritualis per medium horam.

*Hora IV.* Horæ canonicæ, vel officium B. V. præparatio meditationis.

*Hora V.* Meditatio.

*Hora VI.* Examen successus meditationis : Visitatio Ven.

*Medio VII.* Cœna.

*Hora VII.* Pia consideratio interambulandum, rosarium.

*Hora VIII.* Litaniæ omnium Sanctorum. Præparatio ad meditationem diei subsequentis , examen particulare. Examen generale. Somnus.

## DIES I. Exercitiorum

*SS. Trinitati consecranda.*

**A** Spiratio interdiu usurpanda ex S. Augustino. Fecisti nos Domine ad te & inquietum est cor nostrum, donec requiescat in te. Vel : noverim me, noverim te.

*Scopus hujus diei*  
est tota intellectus attentione clare & intimè penetrare ; quis ille sit finis, propter quem

quem sumus, id quod sumus, ut eo bene apprehenso voluntatem ad efficacem ejus intentionem permoveamus.

*Meditatio I.* De fundamento ex Libello Exercitiorum S. P. N. Legi etiam ante vel post meditationem posset aliquis ex sequentibus ut P. Palma, P. Gaudier P. Barry, P. Mayer in industriis. P. Lancicius, P. Vatier, P. Santjure. P. Haynovius. P. Lohner. P. Masenius. P. Pawlowski P. Keppler, P. Elffen, P. Nouü & P. Ignatius Dierding, & alii.

*Meditatio II.* Eadem vel ejus pars si manè non sit absoluta, repetitur, finis enim ante omnia bene considerandus, ut suadet P. Gaudier & P. Lancicius, tanquam fundatum & principium, cui omnia infinituntur. Vel sumatur de fine Societatis Jesu, qui est propria & aliena perfectio. Vide P. Palma.

*Meditatio III.* De mediis ad finem, vel repetitio utriusque.

Consideratio à 2. ad. 3. De modo surgendi. Qui requirit 1. promptitudinem. 2. Decentiam. 3. Gratiarum actionem. 4. Intentionem. 5. Gratia petitionem. Vide

*H.*

*Horologium Schol.* pag. 33. Vel confide-  
ratio regularū Summarii I. 2.3.4.5.6.7.8.  
*Vide P. Gaudier.*

Lectio ex Scriptura ante & post pran-  
dium Eccles. c. 1.2. S. Matth. c. 16. v.  
24. 25. 26. Ex Libello Exercitiorum an-  
notationes ro, si pridie lectæ non fuerint.  
*Ex P. Rodericio p. I. T. 5. c. 25. 26. 27.*  
*Ex Thoma de Kempis L. 3. c. 9. & 10.*

## DIES II.

*Consecranda Verbo Incarnato.*

**A** Spiratio ex psal. 50. Davidis: Cor  
mundum crea in me Deus.

*Scopus hujus dies*  
est concipere odium & horrorem peccati,  
quo à fine deviatur.

*Meditatio I.* De triplici peccato ex  
Libello Exercitiorum S. P. N.

*Meditatio II.* De peccatis propriis.  
Ex eodem Libello. Legatur antè P. Palma  
med. de pecc.

*Meditatio III.* Repetitio utriusque  
cum 3. Colloquiis ex eodem Libello.

Consideratio de methodo perfecta me-  
ditandi, quæ requirit I. Præparationem

2. Præludia duo vel tria. 3. Punta duo vel tria. 4. Discursum intellectus. 5. Maxime affectus voluntatis congruentes. 6. Colloquium saltem in fine. 7. Bona proposita. 8. Defectuum animadversionem. *Vide supra pag.* Vel consideratio regularum, 9. 10. 11. 12. nisi id malis aliâ diei horâ facere, quod præstat.

Lectio ex Scriptura Isaiae c. 1. Psal. 50. Epist. ad Rom. c. 6. Ex Libello Exercitorum S.P.N. Additiones ad Exercitia, nisi pridie sint lectæ. Primus orandi modus. *Ex P. Rodericio p. 1. T. 7. c. 8. & 9. T. 5. c. 28. Ex Thoma de Kempis. L. 1. c. 24. Et L. 3. c. 52.*

### DIES III.

*Consecranda pretiosissimæ Dei Parenti.*

**A**Spiratio: Ex c. 15. Lucæ Pater peccavi in cœlum & coram te: jam non dignus vocari filius tuus. Vel: dum veniris judicare, noli me condemnare.

*Scopus hujus diei*

Consideratis terribilibus poenitentia-  
rum quibus à Deo fine nostro defleximus  
in

*Dies III. Consecranda  
in odio & aversione peccati se magis fir-  
mare & ad dignos poenitentiæ fructus fa-  
ciendos animum excitare.*

*Meditatio I. De morte ex P. Mayer vel  
P. Barry, vel P. Saintjure, vel P. Hayno-  
vio. P. Pawlowski.*

*Meditatio II. De Judicio ex P. Mayer.  
P. Pawlowski. Vel de fructibus veræ pœ-  
nitentiæ ex P. Barry.*

*Meditatio III. De inferno ex Libell.  
Exercit. Vel de purgatorio ex P. Mayer.  
Vel de Filio prodigo ad Patrem reverten-  
te. Ex medit. impressis in foliolis separatis  
vel de motivis ad fervorem & prosequen-  
dam perfectionem ex P Mayer.*

Consideratio de Sacro, quod requirit de-  
bitam præparationem, attentionem, reve-  
rentiam magnam, modestiam, intentio-  
nem, gratiarum actionem. De sacro le-  
gendo. *Vide Hor. Schol. p. 107. De audiен-  
do p. 67.* Consideratio Reg. 13. usq; ad 18.  
Lectio Scripturæ. Job. c. 10. & 14. Lucæ 13.  
& 15. Ex Libello S. P. N. Regulæ ad vi-  
tium temperandum & de scrupulis. *Ex  
P. Rodericio p. 1. T. 1. c. 2. 5. 6. & T. 2.  
c. 8. Ex Thoma de Kempis L. 1. c. 23.*

1. *pretiosissimæ Dei Parenti.* 49  
24. & 25. *Vide etiam dissertationem P.  
Barry de spiritu fervoris tertio die, si placet.*  
NB. post secundam vel tertiam medita-  
tionem confessio generalis.

## DIES IV.

*S. Angelo Custodi Consecranda.*

**A** Spiratio ex Sapiente : Gloria magna  
sequi Dominum. ( Jesum )

*Scopus hebdomada secunda est*  
Agnito fine & multiplici nostrâ deviatio-  
ne, quâ ab eo aberravimus, & pœnis per-  
spectis , quas propterea promeruimus,  
exutis etiam affectionibus actualibus ad  
peccatum, per pœnitentiam & confessio-  
nem, habitualibus verò per desideria &  
proposita ; redire ad finem & dirigere pe-  
des nostros in viam pacis ; imitando Chri-  
stum Ducem nostrū, & per illum tanquam  
per viam veritatis ad vitam currendo.

*Scopus hujus diei est*

Imitari virtutes in Christi Domini infan-  
tia & vita occulta relucentes, ut exuto  
homine veteri, novum induamus.

*Meditatio I . De incarnatione vel Na-  
tivitate Christi ex Libello S. P. N.*

50

Dies V: S. Josepho

Meditatio II. De Vita Christi occulta  
ab Anno 12. ad 30. Ex Libello S. P. N. &  
P. Barry. aliisve.

Meditatio III. De regno Christi ex  
Libello S. P. N. & P. Barry die 5. med. 1.  
aliisve.

Consideratio de utrōq; examine, quod  
requirit actionem gratiarum pro benefi-  
ciis, petitionem lumenis, considerationem  
peccatorū, cordis, oris, operis, dolorem &  
propositum emendationis. De examine ge-  
nerali vide Har. Sch. p. 142. De particulari  
p. 178. Consideratio de Reg. 19. usq; ad 31.

Lectio ex Scriptura Iaiæ c. 7. & 11.  
Matth. 1. Lucæ 2. Ex Libello S. P. N.  
regulæ posteriores ad pleniorum spirituum  
discretionem, 2. & 3. orandi modus. Ex  
P. Rodericio p. 2. T. 2. c. 1. & 4. p. 3.  
T. 1. c. 8. Thoma de Kempis L. 3. c. 13.  
L. 2. c. 1. Vide etiam si placet P. Barry dis-  
sertationem de felicitate vita occulta, quin-  
to die Hagiophilæ.

## DIES V.

S. Josepho B. V. spousō consecranda.

A Spiratio ex P. Barry, sola salus servi-  
re Dōo sunt cætera fraudes. Sco-

B. V. sponsō consecranda.

51

Scopus hujus diei est

Christi exemplo, tum propriæ tum alienæ  
saluti & perfectioni vacare, & quām pro-  
ximè possimus ad Christi imitationem  
accedere.

Meditatio I. De duobus vexillis ex Lib.  
S. P. N.

Meditatio II. De tentatione Christi  
ex eodem, Lib. quæ docet quomodo resi-  
stendum cupiditati & vanæ gloriæ. Vide  
medit. P. Avancini fol. 270. Dom. 4. post  
pent. Vel P. Gaudier in introductione ad so-  
lid. perfect. pag 345.

Meditatio III. De zelo Christi, ex P.  
Barry vel de tribus modis humilitatis ex  
Lib. S. P. N.

Consideratio de Refectione corporis,  
quæ exigit sobrietatem, attentionem ad le-  
ctionem, modestiam interiorem & exte-  
riorem omnium partium corporis, & in  
primis oculorum custodiam, silentium,  
benedictionem & gratiarum actionem de-  
votam. De qua vide Hor. Schol. p. 151.

Consideratio de Reg. 32. ad 42.

Lectio ex Scriptura Isaïæ c. 42. 60. 61.  
Matth. 4. 10. Lucæ 10. Ex Lib. S. P. N.

52

Dies VI.

Regulae priores ad motus animi discernendos. Ex P. Rodericio p. 2. T. 4. c. 9. 10. 19. p. 2. T. 3. 4. c. 3. & p. 3. T. 1. c. 1. 2. Ex Thoma de Kempis L. 1. c. 4. 8. 13. L. 3. c. 32.

## DIES VI.

S. P. Ignatio Consecranda.

**A** Spiratio, ex S. Paulo ad Phil. 1. Mihi vivere Christus est & mori lucrum. Vcl ex S. Ignatio Martyre in Epist. ad Rom. Amor meus Crucifixus est.

Scopus hujus diei

Ex meditatione passionis Dominicæ, animum excitare ad heroica facinora aggredienda & ardua patienda, præsertim in paupertate labore, dolore, contemptu.

Meditatio I. De Christo paciente in horto. Matth. 26. Ex Libello S. P. N. P. Mayer P. Avancino.

Meditatio II. De bajulatione crucis & crucifixione. Luc. 23. Ex Libello S. P. N.

Meditatio III. De virtutibus in Christi passione & morte imitandis. Ex P. Barry. P. Pawlowski die 7.

Consideratio de studiis, quæ requirunt puram & rectam ad Deum intentionem, tem-

tempus classium postulat modestiam & attentionem, si alios doces, curam diligenter tuorum, patientiam, clamores nimii vitentur etiam inter disputandum, indigni enim sunt religioso. *Vide Hor. Sch. p. 138.*  
*Consideratio Reg. 42. usq; ad finem.*

Lectio ex Scriptura Itaiz c. 53. Zacharia 13. Psal. 21. Matth. 26. 27. Marci 14. 15 Lucæ 22. 23. Joan. 18. 19. Ex Libello S. P. N. De pœnitentia seu afflictione corporis Ex P. Rodericio p. 2. T. 7. c. 2. 3. 8. 9. Ex Thoma de Kempis L. 2. c. 11. 12. Lib 3. c. 19. 37. 56.

## D I E S V I I .

*S. Francisco Xaverio Consecranda.*

**A** Spiratio ex B. Victoria: O Jesu mi dulcis amor, nil diligo præ te!

*Scopus hujus diei*

Ex consideratione resurrectionis Domini & amoris ac beneficiorum Dei, ad spiritualem resurrectionem, ad gaudia cœlestia amorem & unionem cum Deo se excitare.

*Meditatio 1. De glorijs Christi resurrectione ex Lib. S. P. N. 1. Gloriosè resurgit. 2. Apparet primùm Matri, dein-*

54

Dies VIII.

ceps Apostolis ipsum quærentibus. P. de  
Ponte. p. 5. med 2.

*Meditatio II. De spirituali resurrectione, cuius signa sunt 4. dotes gloriosæ. Agilitas ad quævis iussa Dei & Superiorum. Subtilitas ad quærendam & sectandam Dei voluntatem. Impassibilitas, ne vincariis adversitatibus. Claritas ut luceat lux tua coram hominibus.*

*Meditatio III. De amore spirituali ex Lib. S. P. N.*

Consideratio de Relaxatione animi post mensam. Quæ requirit puram intentiōnem, colloquium de rebus piis & utilibus, eavendo disputationes, contentiones, detractiones &c. Vide Hor. Sch p. 170. Consideratio de regulis communib⁹.

Lectio Eccl. 1. & 2. Joan. 20. 21. ad Coloss. c. 1. & 3. Ex P. Rodericio p. 2. T. 7. c. 1. 5. 5. Ex Thoma de Kempis L. 2. c. 7. 8. L. 3. c. 6. & 31. Vide P. Barry dissert. De desiderio sanitatis.

### DIES VIII.

*Consecranda Patrono Nominis, anni, mensis.*

**A** Spiratio. Mihi adhærere Deo bonum est

Consecranda Patrono Nominis, anni, mensis. ss  
est vel aliꝝ similes meditationibus cujusq;  
diei congruentes.

*Scopus huius diei est*

In perfecta votorum observatione, resi-  
gnatione & bene cœptis perseverare.

*Meditatio I.* De perfecta observatione  
voti paupertatis. *Et P. Mayer.* *Vide infrà*  
*pag. 97.*

*Meditatio II.* De resignatione ex P.  
Mayer, vel de voto castitatis ex eodem. *Vidē*  
*infrà p. 71.*

*Meditatio III.* De perseverantia in  
bene cœptis 1. quām necessaria. 2. Quæ  
incitamenta. 3. Quæ media. Vel de voto  
obedientiæ ex P. Mayer. *Vide etiam de obe-*  
*dientia infrà p. 75.*

Consideratio de horis canonicis, aliisq;  
precibus, quæ requirunt religiosam animi  
attentionem & devotionem. *Vide Hor.*  
*Schol. de horis pag. 79. de oratione vocali.*  
*De reverentia, devotione ibid.*

Consideratio de Reg. modestiæ & offi-  
cii Lectio ex Scriptura Deut. c. 10 Eccles.  
33. 35. ad Ephes. c. 1. 2 4. ad Gal. c. 5. 6.  
*Ex Lib. S. P. N. Reg. ut cum Ecclesia*  
*sentiamus. Ex P. Rodericio p. 3. T. 2. c. 1. 6.*

56 Causæ ob quas in multis non apparet  
T. 3. c. 7. 8. T. 4. c. 2. T. 5. c. 11. Ex  
Thoma de Kempis L. 3. c. 10. 22. 19. Vi-  
de P. Barry dissert. 25. de felicitate voca-  
tionis religiosæ. Die 9.

Denique finitur ascesis visitatione Ve-  
nerabilis Sacramenti, obtinentur indulgen-  
tiæ plenariæ ab Alexandro VII. concessæ,  
oratur psalmus Misericordie pro defectibus, &  
hymnus Ambrosianus in gratiarum actio-  
nem pro beneficiis, offeruntur Deo bona  
proposita, pro executione postulatur gra-  
tia, ut homo interior & exterior in hac as-  
cesi octiduana renovatus, totius anni de-  
cursu perseveret, ad propriæ perfectionis  
incrementum & meritum, proximi ædifi-  
cationem & exemplum, Dei majorem  
laudem & gloriam.

#### §. IV.

Causæ ob quas in multis non apparet,  
vel non diu durat fructus Ex-  
ercitiorum.

**C**AUSA 1. est: Si meditationes tempore  
Exercitiorum non fiant cum tota  
applicatione animi ad eas bene faciendas.  
2. Malus usus temporis medii inter medi-  
tationes

*vel non diu durat fructus Exercitiorum.* 57  
tationes, ut si quis studiis vacet. 3. Occupatio in rebus bonis quidem, sed disparatis & non congruentibus materiæ præsentium meditationum, ut si quis quædam bona quidem, sed disparata describeret vel legeret. 4. Inversio ordinis Exercitiorum. 5. Neglectus bonorum propositorum ipso tempore exercitorum. 6. Si post exercitia non removeantur impedimenta, ob quæ antea non perfectè vivebas: Ut sunt conversationes cum personis non spiritualibus. 7. Si ob humanum respectum, pudorem vel metum irrisio[n]is statim post exercitia non vites transgressiones regularum, aliásve levitates. 8. Si post exercitia, meditationes negligenter instituas, & conceptum ignem non soveas novis lignis indies adjectis, ut faciendum monebat S. Macarius. 9. Lectio Librorum spiritualiū non magnopere affectui movendo servientium. 10. Neglectus conversationis cum viris magis spiritualibus. 11. Indevotus SS. Eucharistiz usus. 12. Neglecta renovatio propositorum in exercitiis factorum. Hæc si vitaveris, in concepto fervore diu perseveraveris, quod aliás est impossibile.